

Qaqortumi Sulineramik Inuussutissarsiteqartut Peqatigiiffiat "Sinniisoq" ukioq nutaaq aallartittoq pillugu ima oqaaseqaateqarpoq.

Ukioq 2022 maanna tassa aallartippoq, neriut ataasiusoq sulisartut sinnerlugit oqariartuutigerusuppara, ukioq 2022 qanortoq suleqatigiinnerup, malinnaasinneqarnerup. nalisiigiissitaanerullu aqqani ingerlanneqarilitoq Politikkeriniit.

Maanna kommune Kujalleq qinersinermi kingullermi nutaanik aqutsisoqarluni aallartippoq tamannalu uagut aamma neriuteqarfigaluarparput qinequsaarnermi oqaatsit kusanartut aniatinneqarmata maannali Peqatigiiffitsinniit ajuusaarnartumik isertuutissangilara pakatsisunut ilaagatta, malinnaasitsineq peqataatsitsineq sulilulloq manna tikillugu maluginngilarput.

Tusaamavarput Kommune Kujallermi allannguiniartoqartoq ukioq manna aallarnerfigalugu tamannali Peqatigiiffittut annerusumik ilisimasaqarfiginngilarput, ilaasortavut ilami aamma Kommune namminermini suliffiutaanni Sulisunut Sinniisut aperigaanni aamma taakku annerusumik ilisimasaqarfiginngilaat, tassa imaappoq Politikkerit kisimik annerusumik suniarnerlutik imminnut malinnaatipput, imminnullu peqataatillutik, pilersinniakkap iluatsinnissaanut sulisussat sulilulloq manna tikillugu annerusumik ilisimatinneqanngillat malinnaatinneqaratillu.

Eqqanarli ukioq manna Kommune Kujallermi aningaasartuutissatut missingersuutit qiviraanni aningaasat karsimiinngitsut milliunilikkaat sinnattuniittut sulilapput, ernumaninnut pissutaanerpaavoq pissutsit sinnattukkat qinikkaniit piviusunngunngippata kikkut taakku aningaasat kommunip karsianut immiutissavaat? tassalu uagut ilaasortatta akilerumaarpaat, taamaattumik tupigusuutigaara taamak innuttakkilliartortigisumi isumaga malillugu mianersuaalliortigisumik aningaasanut missingersersuusiortoqarnera ernumanarpoq, aningaasammi kassimut isinngippata sipaarniartoqalernat kikkut eqqorneqassappat tassaluaasiit uagut ilaasortavut suliffiit sipaarutaalissapput.

Ukioq qaangiuttoq eqqarsaatigalugu pissutsit kommuunip namminermi suliffeqarfiinni ingerlataaniittut maanna sulilungersunartumik ingerlapput, ilami meeqqat paarineqartut aatsaat ineeqqanut isertillugit sakkortuunik isiginnaagassillugit pisalerpaat, tassa perorsaasut ilinniarsimasut taamak pissuseqalerput, eqqaamassavarput uagut ilaasortavut akisussaatinneqarnissaannut tunngavissaqanngilaq pisortaatitammi tamarmik maanna perorsaasutut ilinniarsimasuulernikuupput, naak Pædagogisk konsulenteqaraluortoq pitsaasup tungaanut ingerlasoqarsorinangilaq, ilami angajoqqaanulluunniit attaveqarnerluunniit iluatsippallaarpasinngilaq sulil.

Naggataagut uteqqiinnarlara neriuppunga ukioq manna 2022 tassaassasoq Kommune Kujallermi kikkut tamarmik qanorluunniit soqutigisaqaraluarunik malinnaatinneqarlutik peqataatinneqarlutillu ineriartornermut akisussaataaqataasutut misigitinneqarfiat.

Minnerunngitsumillu sulisartuusugut suliffimmut kajungernartumut sulerusussuseqartuarnissatta aqqutissiuunneqarnissaanut suleqataatinneqarlutalu tusarneqarsinnaanissatta

aqqutsissiuunneqarnissaanut aamma qinikkavut piumaasuseqarumaartut, soorlu qinikkat siulii taamatut aamma sulinikuusut taakkulu piffissaq manna iluatsillugu qutsavigaagut suleqatigiinnerup nuannersup ingerlaneranut pilersitseqataammata.

Naggaterpiaatigut kikkut tamaasa qinigaappata, sulisartuuppata, innuttaaqatigullu qanortoq ukiup matuma ingerlanerani angusaqarluarnissamik peqqinnermillu kissaalsi ulluni ingerlalluarfiusuni kissaateqarfigaassi, puujunngilagullu sulereerlutik maanna qasuersaalersut qujanarsuaq sulillaarsimanissinnut ilissi maanna tunniussarsi uagut nangissavarput ilungersorluta.

  
Jacob G-Motzfeldt  
Q.S.I.P "Sinniisoq"  
Siulittaasoq

Mobil nr. 49 32 06  
E-mail qaqortoq@sik.gl